



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

XCIII. Ezechiaë ostentatio punita.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

confugit, dūmq̄ue idolo suo *Nesrocho*, de filijs suis duos, natu maiores, *Adramelechum* & *Serasarem* victimam humanam, votō promittit; ab ijs, consiliō patris cognitō, ad ipsam aram trucidatur. Parricidæ in Armeniam profugi, *Assaraddoni* natu minimo, regnum reliquerunt; quō deinde victo casōque à *Merodacho* Babyloniorum Pratore, Imperium Assyriacum penitus est eversum, vastata Ninus, & *Merodachus* [ seu *Berodachus*, & nomine regio *Nabassar*, privatō *Baladan* ] Babyloniorum, totiusque Orientis Dominus evasit. Ita tyrannus tyrannum subjugat, & potentia scelere parta per aliud scelus opprimitur. Vaticinium Isaiæ fuit cap. 33. *Vaticini, qui pradaris, nonne & ipse pradaberis? & qui spernis, nonne & ipse spernèris?*

NARRATIO XCIII.  
EZECHIAE OSTENSIO  
TATIO A DEO PUNITA.

4. Reg. 20. 2. Par. 32. Isa. 39.  
Anno Mundi 3324. Ante Christum 729.

**N**on rarò laus, quæ in rebus adversis efflorescit, in secundis corrumpitur; & qui ferocientem repulit hostem; blandientem non cavet. id Ezechia evenisse, narratio hæc ostendit. Rebus Assyriacis immensa clade prostratis, *Merodachus*, hæctenus Sennacheribi, in Babylonia Prorex, aut certè vectigalis, vicariam potestatem convertit in absolutum dominatum, liberumque sibi regnum, contractâ cum alijs regibus amicitia, stabilis

cepit. Unde factum, ut etiam ad Ezechiam lega-  
 tionem expediret, partim ut Regi gratularetur va-  
 tudinem recuperatam, regni que tranquillitatem;  
 partim ut exploraret ostenti cœlestis causas; nam  
 una prodigij, solis scilicet viam retrò legentis  
 [quod toti mundo commune factum] apud Baby-  
 lonios imprimis inclaruit; partim, ut Regem ad  
 mutui fœderis nexum invitaret; non sine splendido  
 munerum additamento. Delectatus est adventu  
 Legatorum Ezechias, quippe à magno se Principe  
 honorari sentiebat, videbátque delatam ultro ami-  
 citiam, magno sibi præsidio fore adversùs quamvis  
 hostilitatem. Ut verò ipse quoque majestatis ali-  
 quod regis specimen Babylonij exhiberet, non  
 temperavit sibi, lætitiæ que suæ, Rex alioquin mo-  
 destissimus, quò minùs opes regias universas, quas  
 ex præda Assyria mirum quantum instruxerat, au-  
 teratque: & se ipsum insuper barbaris ac profanis il-  
 lis aperiret, improvida simplicitate. Aurum, ar-  
 gentumque copiosum; unionum ac gemmarum,  
 & aromatum peregrini pretij thesaurus ingens. A-  
 bacorum vasa plurima, magnòque constantia: re-  
 fertissimum castrensibus instrumentis armamentari-  
 um: olei, vini, frumenti divites apothecæ. Pe-  
 coris, ac jumentorum & gregum vis innumerabilis:  
 urbes regni validiores, aut ex integro recentes con-  
 ditæ: aut muris, turribusque, si quæ concidissent,  
 instauratis repositæ. Lethales sanè divitiæ, quas  
 nec celare tutum, nec proferre. Hoc facinus [ut  
 sanè facillimus est ab ostendente transitus ad osten-  
 tantem] jactantiæ non omnem speciem evitavit.  
 ac tametsi veniâ dignum; DEI tamen incurrit re-

F f

pre-

prehensionem, & Isaiaë Vatis in seros posteros præ-  
 sagas minas; futurum quippe, ut, quos erat geni-  
 turus liberos; & thesauros, quibus intumesceret,  
 Babylonij in terras suas prædando deportarent. Ad-  
 deò DEUS suos, quantò majores efficit, tantò cu-  
 pit in seipsis contractiores. Elucet hinc divinorum  
 severitas judiciorum, quæ, cum ad gravissima im-  
 piorum scelera, non rarò conniveat; minoribus  
 proborum delictis acre supplicium constituit. Hos  
 enim, ut Augustinus loquitur, hîc urit, hîc secat,  
 ut ibi parcat; Illis hîc parcat, ut æternum cruciet,  
 Severo Numinis decreto, mira se demissione Rex  
 pientissimus subjecit, id unum obtestans, vindicem  
 vellet DEUS manum suspendere, vitæ tempore, ab  
 ejus sibi clementia concessæ. Obtinuit, quod ro-  
 gavit; post exactos quindecim indulgentiæ cele-  
 stis annos, in alta regni optimè constituti pace, ex-  
 tremum, diuque prævisum clausit diem, apparatè  
 ductis exequijs, Majorum conditorijs illatus; æ-  
 tatis anno quinquagesimo quarto, regni vigesimo  
 nono; Mundi trigesimo septimo supra ter mille-  
 mum, trecentesimo; ante Christum, septingenta-  
 tesimo, decimo sexto. Fuit pessimi patris natus  
 Sanctissimus; & pessimi nati pater Sanctissimus; nam  
 Manassen genuit, quò pejorem, si finem demas-  
 nulla vidit ætas. Perquam sanè mirabilis vicissitu-  
 do rerum, ex spinis rosam, è rosa spinam,  
 lucem ex tenebris, tenebras ex luce  
 ortam esse.

